

Minister Sr. Otmar Oduber

No ta bay tin cambio di ruta di carnaval pa aña 2012

ORANJESTAD – Den conseho di Minister a tuma e decision diabierna ultimo cu e ruta di Carnaval ta keda mesun cos. Teniendo na cuenta cu tabata tin diferencia di opinion den comunidad y gruponan y habitantenan a bin dilanti pa busca un solucion mas pronto cu ta posibel riba e asunto aki. Sr. Otmar Oduber durante e conferencia di prensa a indica cu despues cu a instala un comision a yega na un decision.

E decision tabata pa tur hende sinta hunto dialuna ultimo y tuma decisionnan riba proposicionnan cu a bin dilanti y discuti den conseho di Minister ultimo kico ta e decision. Na un forma unanime y manera cu reunionnan a bay anteriormente, a tuma e decision cu tur instancia ta para tras di e proposicion pa e ruta di Carnaval.

E ruta di carnaval pa loke ta trata aña 2012 ta keda manteni. E ruta di Carnaval ta keda manteni. E motivo cu tabata tin anteriormente ta e parti di reconstruccion cu tin riba L.G. Smith Blvd y tambe Linear

Park cu ta bay tin cambio. Tambe e aspecto di seguridad tambe a keda atendi y a tuma cierto decisionnan cu gobierno ta para su tras completamente.

Sr. Jossy Figaroa di DOW a indica cu nan tin intencion di pone algun baki di mata riba caminda y tambe haci algun cambio dilanti Bestuurskantoor. Ta un proyecto cu ainda no a keda ehecuta pero ta riba mapa si. Sr. Figaroa a indica cu a reuni pa basta tempo riba e asunto aki y tabata tin dos ruta riba mes. Ta trata e ruta di DOW cerca di aeropuerto, pasa Codemsa y bay caba na RCA. E otro ruta tabata cu ta sali di Compleho Deportivo Frans Figaroa y ta pasa den Ponton y caba na Riverplate. Pa tur dos ruta tabata tin critica. Un dado momento e comision a sinta evalua e posibel solucionnan.

A involvi e hendenan di Ponton unda e ruta ta bay pasa y tende nan remarke. A tende di gobierno cu o tabata kier a yega na algo unda cu tabata tin controversia. SAC a reuni cu e hendenan cu tabata tin critica ariba e ruta y a yega

na consenso cu ta bay purba e ruta. Teniendo na cuenta cu tabata tin algun punto cu no tabata cla, gobierno a bisa cu ta miho pa soluciona e problema aki. A scoge pa mantene e ruta bieu.

E ruta bieu tabata tin dos punto cu tabata den discusion ta e Linear Park y e matanan den caminda. E matanan den caminda no ta bin mas prome cu e siguiente temporada di carnaval. Tambe mester evalua si e ta bin mes den futuro. Minister di Infraestructura ta encarga cu esaki y teniendo cuenta cu seguridad mester reconsidera e plan aki.

TENT

Awor cu e decision ta tuma, mester bay wak con ta envolve Linear Park den e ruta di carnaval di tal forma cu e no ta haya daño. Pa esaki e decision a cay cu riba e ruta di LG Smith Blvd not a bay tin trailer. Si ta mantene e kavelnan riba Vondellaan. Loke ta bay haya riba e ruta di LG Smith BVLD cierto caminda ta bay haya tent. Gobierno



Minister Sr. Otmar Oduber y Sra. Tecla Kelly

ta bay pone tent y e comunidad por inscribi pa haya un tent.

No ta asina cu e ciudadano ta bin cu su tent, pero e ta haya un kavel 122 y eynan ta para un tent y eynan e ciudadano ta para cu su amigonan, famia y hendenan bou di dje. Loke gobierno no kier ta pa bin cu diferente tipo di tent. Ta pesey ta bin condicionnan basta estricto. E tent nan no tin mag di keda sera y yena cu palet.

No ta sigur cu e ruta di Boulevard ta keda pa semper, pero sigur pa otro aña e ruta ta keda. Esaki tambe

ta keda e ruta porta den futuro, paso no ta bon pa sigui cu discusion aki. Tambe ta bay pone tribuna riba e ruta aki y ta pone un caminda cu e ta Sali miho pa tur hende.

Den pasado a pone esaki riba e ruta, pero e no a funciona. Ta importante pa wak cua ta e miho caminda pa pone e tribuna nan aki. Sr. Jossy Figaroa a indica cu a trata diferente topico cu Polis y SAC y a trata tur esakinan. Den e periodo cu a sinta tur hende a haya mas informacion con e sistema ta funciona den Carnaval. □

Sr. Papito Comenencia Vocero Policial

Cuerpo Policial lo cambia strategia pa traha y controla ruta di carnaval

ORANJESTAD – Cuerpo Policial a indica cu e decision di Consejo di Minister pa mantene e ruta bieu no ta un problema. E strategia pa traha riba e ruta lo cambia e aña aki teniendo cuenta cu o tin trailer. Ta bay tin aglomeracion di hopi hende otro caminda y pesey mester reparti e polisnan riba e ruta pa evita problema. Un otro asunto cu lo bay tuma bon nota di dje 2012, cu e bar y cushinan riba e ruta caminda e baricada no ta dilanti nan, ta bay haci un cambio riba esaki. Si un persona tin un bar e baricada dilanti eynan no mag di keda kita. Tur esakinan lo keda stipula den e permiso di DIP. Conhuntamente cu otro autoridanan lo bay controla esaki debidamente. E parti pa e crusada nan strategico ta bay percura pa man-

tene e crusada nan aki habri. Tin biaha hendenan ta yega na ultimo ora y kier para eynan. E parti di tereonan priva riba LG. Smith Blvd no por haci nada cu na, eyriba por pone trailer, pero por papia cu e hendenan cu ta decora e trailer na un manera nechi, contrario na e otro añanan. Cuerpo Policial ta cla pa e periodo di carnaval pa otro aña y nan ta bay tey pa mantene ordo publico. Importante ta pa tur hende wak carnaval y participa den carnaval na un manera nechi. Un problema cu tur aña ta encontra riba e ruta ta caminda cu no tin tent y tampoco tin tribune hendenan ta bay pone stel pa wanta luga. manera tur aña polis ta bay duna cierto dia prome cu e parada pa pone un stoel pa wanta un luga. Si pone



Cuerpo Policial ta cla pa e periodo di carnaval pa otro aña y nan ta bay tey pa mantene ordo publico.

e stoel prome cu e fecha stipula, lo kita nan. Ohala riba henter e ruta tin tent y tribuna y e ora no tin problema pa cu ponemento di stoel riba caminda pa wanta luga. Loke ta bay haci otro aña ta cu pa cier-

to parada ta bay uza e grupo di uniforma blauw scur. Tambe ta bay traha pafo di e ruta pa wak si tin algo sosode nan bin y actua di biha y yega na e caminda cu e situacion ta presenta. Algo cu no ta bay uza riba

e ruta ta e cachonan nobo cu polis ta bay uza. Si ta e caso cu si tin problema cu asunto di arma cuerpo policial lo uza cacho rond di e ruta pa asina busca e armanan cu porta ta involvi den un of otro caso. □